

62
PROGRAMMA

Q U O

R E C T O R

ACADEMIÆ ROSTOCHIENSIS

GEORGIUS DETHARDING,

Medicin. D. ac Profess. Publ. Facultatis suæ,
Collegii Ducalis ac totius Academiæ
Senior,

IN SANCTISSIMO HODIERNO

PENTECOSTALIS

F E S T O

Occasione dicti

A C T O R. XIX. II.

Ad instituendum examen rigorosum:

**CREDENTESNE, NUM ACCEPERINT
SPIRITUM SANCTUM?**

CIVES ACADEMICOS

Excitat atque hortatur.

[1723]

ROSTOCHII,

Typis JO. JACOB. ADLERI, SEREN. PRINCIP. & Acad. Typogr.



Rimo ex publica hac Tabula alloquio vos, *Optimi Cives*, compellendi necessitatem Rectoralis, qua munus sum, auctoritas mihi imponit. Et sane gratior mihi ac suavior vix suggeri potuisset materia quam quæ ex limpidissimo Spiritus Sancti, cui sacrum hoc agimus festum, fonte prono fluit alveo. Hiantia cordium nostrorum arva irrigare, sacramque extinguere sitim si aliunde petiveris, cibus hauries aquam, teque *τοπος ἀνύδρου* (a) pervagatum, vana creaturarum solatia anhelantem eludent corvum. Mellitissimâ igitur sacri hujus Flaminis memoriâ quid dulcius? Quò, nisi ad sacram hanc anchoram, confugiemus? Ubinam terrarum firmum figemus pedem, nisi in hac petra salutis? Quæ suaviora animum refocillare valent colloquia, nisi quorum nucleus cœlestem Spiritus Sancti sapit dulcedinem? Agite dum *Cives Optimi*, mihi que dapes Ambrosia & Nectare vere divino stillante vobis apparativo, de *Spiritu Sancto*, inquam, verba facturo animum arri- gite divina fame percitum. Vastissimus quidem, in quem summa cum jucunditate liceret exspatiari, campus de *Spiritu Sancto* dicendi se fisti apertum; At enim vero insignis dignusque, cui immorer, locus animum paulisper tenuit pendentem. Occurrunt Actorum Cap. XIX, 2. Jo- hannis quidam discipuli, num sit *Spiritus Sanctus*? inscii prorsus & igna- ri. Quærens ex his Divus Gentium Apostolus ille Paulus: *Credentesne acceperint Spiritum Sanctum*? id tulit responsi: *ἀλλ' ὅτι εἰ πνεῦμα ἅγιον ἔστιν ἡμεῖς λαμβάνομεν*. At ne nos quidem, an sit *Spiritus Sanctus* audivimus. Supinæ hu- jus ignorantia haud levis animum subiit admiratio. Judæosne dixerim an Gentiles? quorum animus Cymmeria obnuptus erat caligine, ut in tanta luce lucem veram omnisque lucis auctorem non viderent; Chri- stiani enim ut appellentur, nomen *μαθητῶν*, quo versu primo insigniun- tur, non omnino jubet, eo quod eos Johannis discipulos fuisse, tertius versus dat evictum. Quo tamen excusatiùs errasse viderentur, Theo- logi plerique omnes non de ipso Spiritu Sancto, sed donis ejus miraculo- so & visibili modo effusis verba hæc monent accipienda, quæ B. *Danie-*

Arcula-

(a) Luc. XI, 24. (b) In Commentario in Acta Apostolorum edito à B. Baltha- Mentzero ad h. l. conf. etiam B. Chemnitii Examen Concil. Trid. P. II. Ca- non. I. de Baptismo Johannis p. m. 69.

ularius sic *ἁγία πνεῦμα* (b): Spiritus nomen h.l. metonymice de visibilibus
 miraculosis Spiritus donis, vel linguarum cognitione & Prophetia intelligitur
 ibus id temporis fideles ornabantur ad confirmandam evangelii doctrinam
 egant autem sibi cognitae esse visibiles illas Spiritus Sancti gratias; nam & h.l.
 ritus nomen de singularibus Spiritus donis accipitur, quæ post Christi in cælos
 ensionem ecclesiæ conferebantur. Alioquin non ignorabant isti, esse Spiritum,
 in Scriptura passim ejus faciat mentionem, cujus illi utpote Judæi non prorsus
 erunt ignari. Et sane ut in hanc sententiam pedibus eant Theologi,
 ud spernenda subest ratio; Quî enim Spiritum Sanctum, quem tan-
 m non omnes Pandectarum divinarum paginae loquuntur, (c) qui-
 as Moysi & Prophetarum scripta audiendi singulis saltem sabbathis fie-
 it copia, Judæi nescirent? Quî fieret, ut Johannis discipuli, ejus cla-
 ssimam, quâ Spiritum Sanctum vel indice quasi digito monstraverat,
 oncionem (d) adeo dedissent oblivioni? Hæc argumenta prohibue-
 unt, quo minus plerique, hosce discipulos ipsum ignorasse Spiritum
 nctum, ut crederent, à se potuerint impetrare. Ast qui vel maxime
 e visibili donorum Spiritus Sancti effusione eorum verba interpretan-
 r, nondum tamen difficultatum effugerunt laqueos; Eadem enim
 tione eos urgebit ac premet dubium, quomodo visibilem Spiritus San-
 i in Apostolos effusionem, quæ Hierosolymis, quò tantam omnium
 adæorum molem sedibus suis undiquaque exciverat & contraxerat fe-
 i celebrandi solennitas, advolante singularum gentium turba, conti-
 erat publice, hi Judæi potuerint ignorare? Quidni, genuini Johannis
 scipuli si fuissent, ex apertissimis ejus verbis (e) vel ipsorum spiritua-
 um donorum notitiam potuissent haurire? Accedit verborum haud
 ontemnenda emphasis: *ἀλλ' ἔτι*, quæ si iusta mentis lance ponderave-
 s, evincunt, non solum, se Spiritus Sancti dona accepisse, negare, sed
 oc amplius quid inferre, ut sensus sit: tantum abest, ut Spiritus Sancti
 onorum facti simus participes, ut præterea vel ipsum Spiritum San-
 tum esse, una cum ignarissimis sciamus. Nisi itaque naturæ verbo-
 um significationi vim inferre, sensumque literalem absque urgente ne-
 cessitate deferere malueris, hosce spurios Johannis discipulos, Spiritus
 ancti non tantum dona, sed ipsum ignorasse, vel ut potius dicam, ne-
 asse fatendum est ingenue. Omnis quoque, quam primum concepe-
 am, admiratio simul exspiravit, ac in memoriam revocavi, fœdissi-

A 2

mam

(c) Conf. præ reliquis Gen. I, 2. Job. XXXIII, 4. Psalm. XXIII, 6. CXXXIX,
 7. Jes. XI, 2. c. LXI, 1. (d) Joh. I, 32. 33. (e) Luc. III, 16.

nam Sadducæorum, quæ late inter Judæos ferpebat, gangrænam, Horum enim inter deliria, quod resurrectionem mortuorum, angelos & Spiritum negaverint, Lucas recenset (f). Quo in loco πνεῦμα ab angelis per particulam disjunctivam: μήτε expresse distinctum, Spiritus creatus nequit denotare, sed Spiritum Sanctum καὶ ἐξοχὴν Spiritum in singulari numero haud obscure involvit. Sadducæos itaque non angelos tantum, sed Spiritum quoque Sanctum negasse, cum aperte fatis confiteretur, quominus, hosce discipulorum Johannis nomen præ se ferentes Sadducæorum Sectæ addictos fuisse, credam, nihil est, quod prohibeat; sed rationibus rite subductis in eam facile sententiam adducor, etiam hos inter cæteros Sadducæos Johannem, teste Matthæo, (g) accedentes aqua quidem lustrali tinctos, falsis tamen, quibus imbuti erant, opinionibus pertinaci animo inhæsisse. Quam altas enim radices in animis Judæorum præconceptæ egerint opiniones, vel Apostolorum, qui per tot annos salutaribus Christi dogmatibus innutriti, nondum tamen suave illud de terrestri Messiae regno somnium animo exuerant, docet exemplum. Neque verendum est, ne qua in ipsum Magistrum Johannem redundet culpa errorum, quibus ejus discipuli erant infecti; Genuinam enim Magistri munia explevit Johannes, veram de Spiritu Sancto doctrinam, omnibus, ut notanter loquitur Lucas, (h) sincere instillans, sed discipulorum ea erat σκληροκαρδία, quæ, quo minus inveteratis erroribus nuncium mitterent, impediēbat. Omnes enim & singulos a Johanne aqua lustrali tinctos veram simul amplexos esse fidem, quis fibi persuaderet? secum reputans Matthæi verba: Hierosolymarum, totius Judææ vicinarumque regionum incolas ad unum omnes sacro Johannis lavacro fuisse initiatos, e quorum tamen numero vel paucissimi Christo nomen suum dederunt. Hujus itaque furfuris, Sadducæorum nempe de grege Epicuri porcorum placitis fascinosos fuisse, de quibus in dicto nostro est sermo, extra dubitationis aleam mihi quidem positum videtur. Quæ tamen hætenus de illis, obstetricante nobis veritate, allata sunt, non fane eò, ut ignominia notam illis inuramus, tendunt, ne enim sua defraudandi sunt laude, quod ejuratis erroribus, sanam de Spiritu

(f) Act. XXIII, 8. de his aliisque Sadducæorum erroribus prolixiori opera agunt Drusius de tribus Sectis L. I. c. 6. Scaliger in Elencho Trohæref. Jesuitæ Serarii. Leusdenius in Philol. Hebr. mixto Dissert. 19. & Lundius von dem öffentlichen Gottesdienst der Hebræer. c. LXI. (g) Matth. III, 7. (h) Luc. III, 16.

tu Sancto doctrinam amplexi, cœlestibus ejus donis, testante versu
xto, perfusi sunt affatim atque cumulati. Utinam fœdissimi hujus de
ritu Sancto erroris ne alii in Scenam rediissent Promachi atque Pa-
oni! At enim vero pestiferâ hâc hæreticorum, *Spiritum S.* tantum non
onvitiis proscindentium, lue nunquam non ecclesia laboravit. Mane-
atrâ nocte pressum *Simonis Magi* virus, Helenam seu Selenen suam
ritum Sanctum & ἐννοίαν divinam stolidius? inquam; an magis im-
è? venditantis. Huic succenturiati sunt *Montanistæ*, *Samsæi* seu *Elce-*
ita, *Samosateniani*, *Ariani*, *Semi Ariani* πῦλματόμαχοι, *Macedoniani* & *Pho-*
niani (i) qui sanam de Spiritu Sancto doctrinam spurcissimis macula-
unt deliriis, ut impietasne penes eos atque blasphemia, an vero absur-
tas atque ignorantia major fuerit, judicare haud sit in expedito.
quam feracissima fuerint prima ecclesiæ Christianæ secula errorum de
ritu Sancto, testem audiamus Gregorium Nazianzenum: *Nam alii*,
quit, ἐνέργειαν meram esse dicebant; alii creaturam; alii DEum; alii cui-
m attribuendus esset generi, ignorabant, sacras, uti ajunt, literas veriti, quæ
hil super hac re expressum haberent; itaque nec venerabantur ipsum, nec de-
nestabant, medium quiddam obtinentes. (k) Ut hic recentioris ævi Hære-
cos Socinianos (l) *Christoph. Sandium*, (m) & *Hermannum Deusingium*,
) ne paginæ in nimiam excrescant molem, silentio involvamus.
τίως autem Orthodoxa Christi ecclesia hunc Spiritum Sanctum, terti-
n Sacro Sanctæ Trinitatis Personam, summum cum Patre & Filio DE-
m uno semper clamavit ore atque adoravit. Quibus hæc summa Pa-
i Filioque ὁμοῦσι & Spiritus Sancti Deitas demonstratur, argumenta ab
vo repetere hic non vacat; Otia nobis fecerunt Theologi nostrates, in
nnibus Systematibus, Collegiisque Anti-Socinianis thesin orthodo-
A 3 xam

(i) Conf. præter veteres Eusebium, Epiphanium, Sozomenum, B. D. Bebelius
in Antiquitatibus Eccles. Sec. I. & II. art. 4. B. Ittigius de Hæresiarchis Sect.
I. c. II. seqq. D. Colbergius de origine & progressu Hæresium c. I. Stock-
mannus in Elucidario Hæresium, sub singulorum nominum titulis. (k)
In Oratione XXXVII, de Spiritu S. conf. & S. Basilii Lib. de Spiritu S. c. 20.
(l) Conf. B. B. Calovii, Scherzeri, Schomeri Collégia Anti-Sociniana. Se-
ctæ hujus historiam erudite perstrinxit D. Henricus Ascanius Engelken in
Disput. de damnabili Socinianismi gangræna. (m) Vid. B. D. Zach. Gra-
pius in Theologia controversa c. II. Q. 21. p. m. 161. (n) Qui Spiritum S.
in V. T. fuisse negat in Demonstrationibus Allegor. Histor. P. I. p. 25. Conf.
B. Grapius l. c. Q. 23. p. 175.

tam probationum robore prolixè æque ac solide munientes. (o) Haud
 levissimum erroris sui Palladium *πνευματόμαχοι* illi quærunt in auctori-
 tate Patrum Ante-Nicænorum, quos sibi *ὁμοψήφως* fingere summo sata-
 gunt opere, in Doxologia ipsis consueta: *δόξα τῷ πατρὶ, καὶ υἱῷ ἐν πνεύματι
 ἁγίῳ*, non quod pueri in faba se invenisse persuasi, non eodem scilicet
 cum Patre & Filio adorationis cultu Spiritum Sanctum esse prosequen-
 dum (p). Verum enim vero sanctos Patres in errorum suorum socie-
 tatem tracturi, vel ut potius dicam, obtorto collo abrepturi, fumos ven-
 dunt & imperitioribus obtrudunt glaucoma. Quantum enim æra lupi-
 nis, tantum vanis horum nugis Patrum sententiæ distant. Quod u-
 meridiano solis jubare clarius appareat; Ex primo statim Seculo testor
S. Polycarpum, qui Spiritui Sancto eundem ac Patri & Filio religiosum
 deferret honorem his verbis: *διὰ τὸ πρὸ πάντων αἰνῶ Σε, εὐλογῶ, Σε, δοξάζ
 Σε, Σὺν τῷ αἰωνίῳ καὶ ἐσχατίνῳ Ἰησοῦ Χριστῷ ἀγαπητῷ Σε παιδί, μεθ' ἧ Σε καὶ
 πνεύματι ἁγίῳ δόξα*. Ecclesia quoque *Smyrnenensis* epistolam suam sic clau-
 dit: *Ἐρρωσθὺ ὑμᾶς εὐχόμεθα, ἀδελφοί, σιχαίνεσθαι τῷ καὶ τὸ εὐαγγέλιον λόγῳ Ἰη
 Χριστῷ, μεθ' ἧ δόξα τῷ Θεῷ καὶ πατρὶ, καὶ ἁγίῳ πνεύματι* (q). Neque, qui a
 istam ætatem proximè accessit, *Justinus Martyr* ab hoc abludit, ingenu-
 professus: *Et profitemur quidem, nos talium, qui existimantur Dii, ratione
 Atheos esse, at non verissimi illius DEI, qui justitiæ & bonæ mentis reliquarum
 que virtutum est Pater & ab omni pravitatis communione sejunctus; sed illu
 pariter & Filium, qui ab eo venit, ac nos ista & exercitum reliquorum ipsum
 quentium & ad ejus similitudinem se componentium Angelorum bonorum, docui*
**ET SPIRITUM PROPHETICUM RELIGIOSE COLIMUS ET
 ADORAMUS, CUM RATIONE ET VERITATE EOS VENI-
 RANTES.** (r) Pollicem his premit Seculi tertii initiis florens *Cleme
 Alexandrinus*, sic egregie fatus: *Ut nocte pariter & die usque in perfecta
 illam diem gratias agentes laudemus, laudantes gratiis prosequamur eum, qui
 lus est Pater, & Filium, qui filius est & Pater, CUM SPIRITU QUOQUE*
SANCTO

- (o) His addi omnino meretur argumentum pro religiosa Spiritus S. adoratio-
 quod ex Luc. II, 26. & 29. versibus inter se collatis erutam demonstra-
 Celeberrimi Auctores Relationum Innocuarum de Nov-antiquis The-
 A. 1711. Ord. IV. n. 8. p. m. 468. (p) Conf. B. Grapius l. c. Quæst. IV. p. 1.
 seqq. ubi Sandium, Whistonum Anglum & Observatores Hallenses imp-
 mis solide refutat. (q) Conf. Eusebius in Hist. Eccles. L. IV. c. 15. ubi e-
 stola ecclesiæ Smyrnenensis legitur, in qua historiam Martyrii Polycarpi n-
 rant, ejusque orationem, ex qua verba priora desumta sunt, recensent h-
 jus ecclesiæ Ministri. (r) In Apologia Ilda p. 56.

ANCTO, unum per omnia, in quo sunt omnia, propter quem omnia unum
sunt, propter quem aeternitas, cujus membra omnes sumus, cujus Gloria in secu-
, per omnia bonum, per omnia pulchrum, per omnia sapientem, per omnia ju-
um, cui gloria & nunc & in secula (f). Quæ quidem omnia Patrum te-
monia, cum luculenter nostram de Spiritus Sancti Deitate & cultu re-
ligioso fidem adstruant, Patres τὴν προσκυνήσῃν τελευτάδα, ut loquitur Orige-
s (t) invocantes, conspirasse nobiscum harmonice, sat satis demon-
strant. Spiritum itaque Sanctum, Cives Optimi, ceu summum, verum
unicum cum Patre & Filio DEum, cum cana & veneranda antiquitate
recolendum vobis ac adorandum religiose, vel metacente, facili nego-
io intelligetis, nec Vestrum quenquam, quæ DEI est gratia, adeo
affa captum tenet ignorantia, ut adductorum supra Johannis discipu-
rum verba faceret sua: ἀλλ' ὅτι εἰ πνεῦμα ἅγιον ἔστω, ἡμεῖς αὐτοὶ. Ast quod-
vel ad Vos dirigatur quæstio: Credentesne accepistis Spiritum San-
ctum? Utinam prævio cordis scrutiniō cum immota mentis πληροφορία
affirmare singulis datum esset! Nostisne vos DEI templum esse, &
ritum Sanctum in vobis habitare? (u) Vosmet tentate, si estis in fi-
de, probate vos ipsi! (x) Ex fructibus cognoscetis. (y) Fructus enim
ritus Sancti sunt: *charitas, gaudium, pax, patientia, benignitas, longa-
nitas, mansuetudo, fides, modestia, continentia, castitas.* (z) Ab his qui
o distant cœlo, carnis fructus sanctissimi hujus Spiritus societate ac
mmercio vos excludunt prorsus ac eliminant. Spiritus enim Domi-
est Spiritus sapientiæ & intellectus, Spiritus consilii & fortitudinis,
ritus scientiæ & pietatis (aa). Quibus gratiæ donis nisi viva fide in-
ucti, in Spiritu quoque ambulaveritis, vana est vestra de Spiritu
cti, inhabitatione gloriatio. Sacrum, quod jam celebramus, Fe-
m in Veteri Testamento יום הבכורים dies primitiarum appella-
tur

(f) In divino Pædagogi Epilogo. L. III. c. 12. (t) Origenes T. VI. in Johannem
Vol. 2. Opp. Exeget. Plura Origenis Athenagoræ, Julii Africani, Cypriani
aliorumque testimonia cumulari potuissent, ni pagellarum angustia prohi-
beret, legi illa possunt apud Dionys. Petavium in Dogmat. Theol. T. II. p.
298. seqq. Georg. Bullum in defens. Fidei Nicænæ. B. D. Calovium in
Disput. habita A. 1658. sub tit. Confessio Martyrum aliorumque fidelium
post Apostolorum excessum de S.S. Trinitate. Addatur B. Gottfridi Olearii
Dissertatio de Spiritu S. cum Patre & Filio adoratione Lipsiæ habita A. 1711.
(u) 1. Cor. III, 16. (x) 2. Cor. XIII, 5. (y) Matth. VII, 20. (z) Gal.
V, 22. (aa) Jes. XI, 2.

tur (bb) duplex enim erat oblatio primitiarum, altera *δενλυνή*, secundum die Hebdomadis Paschalis, qua largissimam messem à DEO expetebant; altera *εὐχαριστική* in hoc festo pentecostes, qua pro feliciter peracta messe gratias solvebant DEO (cc). Has terrestres primitias Judæorum quam longissime superant Novi Testamenti primitiæ Spiritus Sancti in hoc festo, oblatae, quarum mentionem injicit Paulus (dd). O ter quaterque beatos! qui has Spiritus Sancti primitias primoribus fidei labiis degustarunt; (ee) Futura enim cœlestium perfectissimæ maturitatis fructuum & bonorum messe saturabuntur. Eo itaque, *Cives Optimi*, omnes intendatis nervos, ne hæ primitiæ, hæc *χαρίσματα* Spiritus Sancti in lavacro regenerationis vobis collata moribus Spiritu Sancto indignis amittantur, sed ut potius augeantur in dies, accrescant, & quantum hujus vitæ patitur conditio, maturescant. Quod sane fiet, si audientissimis precibus, non fucatae pietati, omnibusque Christiano dignis virtutibus, ut omni omnino tempore, ita hoc quoque imprimis Festo sincero studio toti incumbatis, & proscriptis ac procul exulare jussis quibusvis vitiorum, quæ sanctissimum hunc Spiritum expellunt, generibus, in omnibus vestris actionibus Spiritum Sanctum Ducem ac litem sequamini, memores dicti Paulini: *Filii DEI sunt, quicumque Spiritu DEI aguntur.* (ff)

(bb) Num. XXIX, 26. (cc) Conf. Lightfoot in Horis Hebr. ad Matth. XII. p. 330. it. Joh. Andr. Quenstedii Antiquit. Biblicæ & Eccles. c. X. n. 5. p. 842. sequitur. (dd) Rom. IX, 23. (ee) Hebr. VI, 4. 5. (ff) Rom. IX, 14.

